

**Član 9**  
**(Stupanje na snagu)**

Ovaj pravilnik stupa na snagu danom donošenja i objavit će se u 'Službenom glasniku Brčko distrikta BiH'.

Broj: SuPK-03-961/21  
Brčko, 28.06.2021. godine

PREDSJEDNIK  
PRAVOSUDNE KOMISIJE  
Safet Pizović, s. r.

**424**

Pravosudna komisija Brčko distrikta BiH, na osnovu odredbe člana 14 stava 1 tačke n) i člana 19 Zakona o Pravosudnoj komisiji Brčko distrikta BiH (Službeni glasnik Brčko distrikta BiH, br.: 19/07, 20/07, 2/08, 04/21 i 06/21), na 228. redovnoj sjednici održanoj 06. 09. 2021. godine, usvaja sljedeći

**POSLOVNIK O IZMJENAMA POSLOVNIKA O RADU  
PRAVOSUDNE KOMISIJE BRČKO DISTRIKTA BiH**

**Član 1**

U članu 3 Poslovnika o radu Pravosudne komisije Brčko distrikta BiH (Službeni glasnik Brčko distrikta BiH, br.: 38/08 i 23/17), u stavu 1 riječ i broj: „osam (8)“ zamjenjuju se riječju i brojem: „devet (9)“.

U stavu 1 tački 7 riječ i broj: „dva (2)“ zamjenjuju se riječju i brojem: „tri (3)“.

**Član 2**  
**(Stupanje na snagu)**

Ovaj poslovnik stupa na snagu danom donošenja, a objavit će se u Službenom glasniku Brčko distrikta Bosne i Hercegovine.

Broj: SuPK-03-1196/21  
Brčko, 06. 09. 2021. godine

PREDSJEDNIK  
PRAVOSUDNE KOMSIJE  
Safet Pizović, s. r.

**425**

Apelacioni sud Brčko distrikta Bosne i Hercegovine u vijeću sastavljenom od sudija Damjana Kaurinović, kao predsjednika vijeća, Vuka Lučić, Maide Kovačević, Uje Klaić i Zijada Kadrić, kao članova vijeća, u postupku ocjene usklađenosti pravnih akata Brčko distrikta Bosne i Hercegovine, postupajući po inicijativi B. M. iz B., kojeg zastupa advokat M. M. iz B., na osnovu člana 26. stav 1. tačka a), u vezi sa članom 38. stav 1, i člana 6. stav 2. Zakona o postupku ocjene usklađenosti pravnih akata Brčko distrikta Bosne i Hercegovine („Službeni glasnik Brčko distrikta BiH“, broj 20/10), na sjednici vijeća održanoj dana 27.08.2021. godine, donio je

**PRESUDU****I**

UTVRĐUJE SE da Odluka Skupštine Brčko distrikta Bosne i Hercegovine 0 utvrđivanju javnog interesa broj 01-02-662/19 od 11.09.2019. godine („Službeni glasnik Brčko distrikta BiH“, broj 23/19), nije donesena u skladu sa odredbom člana 13. stav 5. Statuta Brčko distrikta Bosne i Hercegovine („Službeni glasnik Brčko distrikta BiH“, broj 2/10) i u cjelosti prestaje da važi danom objavljivanja ove presude u „Službenom glasniku Brčko distrikta Bosne i Hercegovine“.

**II**

ODBIJA SE zahtjev inicijatora da mu Brčko distrikt Bosne

i Hercegovine nadoknadi troškove postupka ocjene usklađenosti pravnih akata.

**Objašnjenje****UVOD**

Dana 11.06.2021. godine, B. M. iz B., koga zastupa advokat M. M. iz B. (u daljem tekstu inicijator), podnio je Apelacionom sudu Brčko distrikta Bosne i Hercegovine (u daljem tekstu Sud) inicijativu za pokretanje postupka ocjene usklađenosti Odluke o utvrđivanju javnog interesa Skupštine Brčko distrikta Bosne i Hercegovine broj 01-02-662/19 od 11.09.2019. godine („Službeni glasnik Brčko distrikta BiH“, broj 23/19 - u daljem tekstu osporavana Odluka), sa članom 13. stav 5. Statuta Brčko distrikta Bosne i Hercegovine („Službeni glasnik Brčko distrikta BiH“, broj 2/10 - u daljem tekstu Statut).

**NAVODI INICIJATIVE**

U inicijativi inicijator u bitnom navodi da je Odjeljenje za prostorno planiranje i imovinsko pravne poslove Vlade Brčko distrikta Bosne i Hercegovine (u daljem tekstu Odjeljenje za prostorno planiranje) na zahtjev Odjeljenja za javne poslove Vlade Brčko distrikta Bosne i Hercegovine, donijelo rješenje 0 lokacijskim uslovima za izgradnju puta prema kući I. M., između ostalog, i na parcelama čiji je inicijator vlasnik. Dalje navodi da nije ni znao da se vodi upravni postupak za izdavanje tih lokacijskih uslova, nije mu omogućeno da u tom postupku učestvuje kao stranka, niti mu je dostavljeno navedeno rješenje.

Na osnovu tog rješenja Skupština Brčko distrikta Bosne i Hercegovine (u daljem tekstu Skupština) je donijela osporavanu Odluku, kojom je utvrdila da je izgradnja navedenog puta, između ostalog i preko parcela čiji je inicijator vlasnik, od javnog interesa za Distrikt, a potom su te parcele eksproprisane. S obzirom da mu je na navedeni način oduzeto pravo vlasništva na pomenutim parcelama, a da mu prije toga nije pružena mogućnost da kao vlasnik nepokretnosti zaštiti svoja imovinska prava, inicijator smatra da mu je osporavanom Odlukom povrijeđeno pravo na privatnu imovinu, zagarantovano članom 13. stav 5. Statuta.

Imajući u vidu navedeno, inicijator je predložio da Sud utvrdi nestatutarnost osporavane Odluke i obaveže Distrikt da mu nadoknadi troškove nagrade punomoćniku za izradu predmetne inicijative u iznosu od 600,00 KM.

**ODGOVOR NA INICIJATIVU**

U skladu sa odredbom člana 15. Zakona o postupku ocjene usklađenosti pravnih akata Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj 20/10 - u daljem tekstu Zakon o postupku ocjene usklađenosti pravnih akata) i članom 8. Poslovnika o radu Apelacionog suda Brčko distrikta Bosne i Hercegovine u postupcima ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti („Službeni glasnik Brčko distrikta Bosne i Hercegovine“, broj 45/10 - u daljem tekstu Poslovnik o radu Apelacionog suda), od Skupštine kao donosioca osporavanog pravnog akta, zatraženo je da dostavi odgovor na inicijativu.

Dana 29.06.2021. godine, Skupština je dostavila odgovor i mišljenje na inicijativu broj 01.1-02-2786/21 od 24.06.2021. godine, u kojem je navela da je osporavana Odluka donesena u skladu sa članom 22. Statuta Distrikta i članom 9. Zakona o eksproprijaciji nekretnina u Brčko distriktu Bosne i Hercegovine („Službeni glasnik Brčko distrikta BiH“, broj 18/18 i 30/20 - u daljem tekstu Zakon o eksproprijaciji), na prijedlog Gradonačelnika, uz koji su bili dostavljeni svi zakonom propisani prilozi, uključujući i rješenje 0 lokacijskim uslovima.

Na kraju, Skupština je predložila da Sud ne prihvati predmetnu inicijativu.

U prilogu odgovora na inicijativu, Skupština je dostavila: osporavanu Odluku o utvrđivanju javnog interesa, prijedlog te Odluke, Plan eksproprijacije, rješenje o lokacijskim uslovima, mišljenje Pravobranilaštva Distrikta na nacrt prijedloga odluke 0 utvrđivanju javnog interesa, kopiju katastarskog plana i zk. izvode za predmetne parcele koje se eksproprišu,

Na osnovu člana 16. stav 2. Zakona o postupku ocjene